



UNIVERSITÄTS-
BIBLIOTHEK
PADERBORN

**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titulus XVI. Vt lite pendente nihil innovetur.

[urn:nbn:de:hbz:466:1-63255](#)

rere non cogitur; ergo contumax fieri nequit.
Anteced. prob. nemo tenetur agere, l. un. Cod. ut
nemo invitus. Ergo. **Respond.** disting. anteced. si
non obtulit libellum **Conced.** si libellum obtulit,
ad eoque judicium inchoavit. **Nego.** Sic enim
comparere cogitur.

OBJICIES 2. **A**ctore non probante reus
est absolvendus etiamsi nihil probaverit. *l. 4. cod.*
de edend. l. 7 3. cod. de probat. cap. fin. de jurejur. Ergo
actore contumace male injungitur reo onus pro-
bandi. **Respond.** Est absolvendus vel ab actione,
vel ab instantia **Conced.** semper ab actione. Ne-
go. vel **Respond.** Reus simpliciter est absolvendus,
si actor in probatione succubuit, **Conced.** Si con-
tumax nullam probationem adduxit, **Nego.**

TITULUS XVI.

Vt lite pendente nihil inno-
vetur.

QUÆRES 1. Quo tempore incipiat litis
pendentia? **Respond.** Lis pendere dicitur
quando post oblatum actoris libellum ci-
tatio reo insinuata est, aut taliter per eum stetit,
quò minus citatio insinuari potuerit. *Clem. 2. b. t.*
quæ litis pendentia durat usque ad sententiam de-
finitivam, imò ulterius, si nimirum appellatio fue-
rit interposita.

QUÆRES 2. Quis fit litis pendenteis ef-
fectus? **Respond.** Ejus effectus est quod à citatione
usque

usque dum causa definitivē terminetur, circā rem de qua agitur, vel ejus possessionem, vel circā aliud quocunque jus, nihil innovari possit, quo litis pendentis qualitas statusque cause in præjudicium actoris aliquo modo immutetur, sed omnia relinquenda sint in statu, in quo tempore litis contentæ fuerunt; sic maritus de adulterio ad divortium accusatus, pendente lite usu conjugii privari non debet. item si duo super certō beneficio litigaverint, & unus eorum, moriatur, ad collationem beneficii procedi non debet, sed lis prius terminari, ut sciri possit, an superstes jus in eo habuerit necne. quod adeò verum est, ut & rescriptum super tali beneficio litigioso impetratum, sub. & obreptiōti censeatur impetratum, cap. 1. b. t. ea quæ circa rem controversam innovantur, attentata in jure vocantur, quæ per Judicem superiorem mandato attentatorum revocatorio rescinduntur, & omnia in priorem statum reponuntur. & hoc de Jure Canonico; Jure enim Civili innovans condemnatur in expensas, certis casibus efficitur infamis, & quandoque jure suo privatur.

OBLICES. Maritus non tenetur cohabitare mulieri adulteræ, nec ei cogitur reconciliari. cap. 3. de adulter. Ergo falsum est, eam pendente lite usu conjugii privari non posse. ResP. Textus allegatus loquitur in casu, quo judicio ecclesiæ jam est factum divortium. *Gonzal. in cap.*

2. b. t. num. 7.



Q 2

TITU-